



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: A- 506-3/23

Sarajevo, 15.01.2024. godine

Na osnovu člana 8. Zakona o javnim nabavkama („Službeni glasnik BiH“, broj: 39/14, 59/22) i Pravilnika o postupku dodjele ugovora o uslugama iz Aneksa II Zakona o javnim nabavkama („Službeni glasnik BiH“, broj: 2/23), glavni tužilac Tužilaštva Bosne i Hercegovine d o n o s i

ODLUKU
o izboru ponuđača za usluge ekshumacija za 2023/2024 godinu

Član 1.
(Predmet odluke)

Ovom odlukom se izvršavanje usluga ekshumacija za potrebe Tužilaštva Bosne i Hercegovine za 2023/2024 godinu dodjeljuje sljedećim ponuđačima:

- „Niskogradnja Durmić“ d.o.o. Ilijaš
- JKP „Komemorativni centar“ d.o.o. Tuzla
- KJKP „Pokop“ d.o.o. Sarajevo
- JKP „Gradska groblja“ d.o.o. Visoko

Član 2.
(Kriterij za izbor)

- (1) Ponude ponuđača iz člana 1. ove odluke zadovoljavaju sve uslove utvrđene u Pozivu za dostavljanje ponuda broj: A-506-1/23 od 22.11.2023. godine.
- (2) Ponuđači iz člana 1. ove odluke će svoje troškove fakturisati u skladu sa elementima Ponude i uslovima i kriterijima utvrđenim u Pozivu za dostavljanje ponuda.

Član 3.
(Stupanje na snagu)

Ova odluka stupa na snagu danom donošenja.

Ova odluka će se objaviti na web stranici Tužilaštva Bosne i Hercegovine istovremeno sa upućivanjem iste ponuđačima koji su učestvovali u postupku predmetne nabavke, u skladu sa članom 70. stav 6. Zakona o javnim nabavkama („Službeni glasnik BiH“, broj: 39/14, 59/22).

O b r a z l o ž e n j e

U skladu sa odredbama Pravilnika o postupku dodjele ugovora o uslugama iz Aneksa II Zakona o javnim nabavkama („Službeni glasnik BiH“, broj: 2/23) Poziv za dostavljanje ponuda za usluge ekshumacija za 2023/2024 godinu broj A-506-1/23. godine od 22.11.2023. godine objavljen je na Portal javnih nabavki, dodatno je Poziv upućen e-mail adrese potencijalnih ponuđača.

Do 15.01.2024. godine zaprimljeno je 5 (pet) ponuda dostavljenih na Javni poziv Tužilaštva BiH za dostavljanje ponuda za usluge ekshumacije za 2023/2024 godinu.

Analizom ponuda utvrđeno je da su na Javni poziv dostavljene ponude sljedećih ponuđača:

1. „Niskogradnja Durmić“ d.o.o. Ilijaš
2. JKP „Komemorativni centar“ d.o.o. Tuzla
3. KJKP „Pokop“ d.o.o. Sarajevo
4. „In Memoriam“ Travnik
5. JKP „Gradska groblja“ d.o.o. Visoko

Prilikom pregleda dostavljenih ponuda utvrđeno je da ponude ponuđača: „Niskogradnja Durmić“ d.o.o. Ilijaš, JKP „Komemorativni centar“ d.o.o. Tuzla, KJKP „Pokop“ d.o.o. Sarajevo i JKP „Gradska groblja“ d.o.o. Visoko, ispunjavaju uslove tražene Pozivom broj: A-506-1/23 od 22.11.2023. godine., te su njihove ponude prihvatljive, dok ponuda ponuđača „In Memoriam“ Travnik, ne ispunjava sve uslove tražene Pozivom, te se ista smatra neprihvatljivom.

Ugovorni organ je u skladu sa Pravilnikom o postupku dodjele ugovora o uslugama iz Aneksa II Zakona o javnim nabavkama („Službeni glasnik BiH“, broj: 2/23) odlučio da prilikom nabavke usluga ekshumacija za 2023/2024 godinu po raspisanom Javnom pozivu, izabere sve ponuđače koji su ispunili uslove tražene Javnim Pozivom cijeneći specifičnosti u vezi sa izvršavanjem usluga ekshumacija, a posebno imajući u vidu potrebu Tužilaštva BiH da se na cijelom području Bosne i Hercegovine osigura pružanje predmetne usluge, a da se unaprijed ne može predvidjeti lokacija za koje će usluga biti potrebna.

Ugovorni organ je ostavio mogućnost dostavljanja ponuda do 01.12.2024. godine do 16:00 sati kako bi se postupajućim tužiocima ostavila mogućnost izbora jednog od više ponuđača/izvršilaca usluga imajući u vidu da se izbor izvršioca usluge ekshumacije uvijek vrši prema potrebama konkretnog slučaja, a cijeneći mnogobrojne okolnosti koje se u datom slučaju pojavljuju.

Za sve ponude koje budu dostavljene nakon donošenja ove odluke, a za koje bude utvrđeno da ispunjavaju sve uslove tražene Javnim pozivom, ugovorni organ će izvršiti izmjenu odluke o izboru, u kojoj će dodati i nove ponuđače.

Predmetne usluge će se pružati sukcesivno, prema potrebama ugovornog organa u periodu 2023/2024 godina, a na osnovu operativne naredbe Tužilaštva BiH kojom će se odrediti: subjekte koji učestvuju u postupku ekshumacije, materijalno-tehnička sredstva koja se koriste, datum, mjesto i vrijeme početka pružanja usluge ekshumacije.

Uzimajući u obzir navedeno, odlučeno je kao u dispozitivu ove odluke.

Pouka o pravnom lijeku

Žalba se izjavljuje Tužilaštvu Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od 10 dana od dana prijema ove odluke.

Dostavljeno:

1. Ponuđačima
2. Odjelu za mat.-fin. poslove

Prilog:

3. Poziv A-506-1/23
4. Cjenovne ponude ponuđača



GLAVNI TUŽILAC
TUŽILAŠTVA-TUŽITELJSTVA BIH

Milanko Kajganić